

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.7 Ng.19

Liggaeuq gvejmaux nienz ndwenroek co' ngeih

Geizsoq: Gungh daih 3581 geiz

Gvangjsih Laebdaeb Gyagiengz Cingj-ceih Vanzging Vunzyouq Lajmbanj 广西持续加强农村人居环境整治

Mboengqneix, gicej cam Swcigh Swnghdai Vanzging Dingh roxyiuj, bineix doxdaeuj, aen dingh neix hopheux lajmbanj raemxuq ngoenz-naengz baizcuengq, raemxhaeu raemxndaem caeuq ciengx doihduz uqlah daengj fuengmienh, laebdaeb gyagiengz cingjceih vanzging vunzyouq lajmbanj, caensaed gajgez gij vwndiz "gip hoj you muengh" boux-minz ginzung.

Ceihleix lajmbanj raemxuq ngoenznaengz baizcuengq fuengmienh, Swcigh Swnghdai Vanzging Dingh anbaiz ngaenzcienz cienhangh swcigh 1.05 ik maenz, hauejcoengh 27 aen yienh (si, gih) guh buek hanghmoeg

cingjceih vanzging lajmbanj ndeu. Daengz seizneix, Nanzningz Si Majsanh Yen, Ginhcouh Si Bujbwz Yen, Ginhcouh Si Ginhnanz Gih, Gveigangj Si Bingznanz Yen, Yilinz Si Yicouh Gih, Bwzswz Si Denzdungh Yen, Hozciz Si Duh' anh Yauzcuz Swciyen daengj dieg gaeng guhsat bienguh hengzguh fueng' anq, ceng-aeu 2023 nienz daej daengx gih lajmbanj raemxuq ngoenznaengz baizcuengq ceihleix cingzsoq daengz 25%.

Cingjceih raemxhaeu raemxndaem lajmbanj fuengmienh, aen dingh neix couzcomz ngaenzcienz 4700 fanh maenz, cungdenj cingjceih

Nanzningz, Liujcouh, Bwzhaij, Ginhcouh, Gveigangj, Yilinz, Bwzswz 7 aen si laeb gih 17 aen yienh (si, gih) 23 aen hingzcwngcunh 26 dieg raemxhaeu raemxndaem, gyonjgyoeb ceihleix diegraemx najdieg daih' iek 10 fanh bingzfuengmij, ginzung ndaej ik 9.2 fanh vunz, gajgez ndeindi raemx miz feih haeu, saek ndaem, soq cijbyauh gamcaek mauhgvaq daengj gij vwndiz vanzging yienhda bouxminz naeuz haengrem haenx. Daengz 6 nyied daej, gaeng guhsat ceihleix dieg raemxhaeu raemxndaem 12 dieg, dieg ndeu cingq ceihleix, cingq guh hanghmoeg ciudouzbiu 13 dieg.

Cingjceih gij vwndiz ciengx

doihduz uqlah fuengmienh, aen dingh neix cingjceih baizcaz baizcuengq cingzvang henz dah ciengx doihduz, cujyau dwg donh dah nga Dah-bwzdunghhoz henz dah 20 cienmij dieg gapgyaiq Hozciz Si Bahmaj Yauzcuz Swciyen nem Bwzswz Si Denzyangz Gih. Daengz 6 nyied ndawcib, gizdieg neix seivunz gag bu guenjloh baiz raemxuq gaeng lid liux, riengh ciengx mou daih' iek 1400 duz ok riengh lid riengh liux, baujcan Denzyangz Gih Yifung Cin Mbanjbwzgyaz 138 ranz 504 boux gwn raemx ancienz.

(Ciuq 《Gvangjsih Yizbau》 Yiz Fungh Lanz Hauging)

Lozcwngz:

Dangzgoq Iq Goeng' ik Angqyangz Gvaq Sujgyaj

罗城:公益小课堂 快乐过暑假

Mboengq sujgyaj, Lozcwngz Mulaujcuz Swciyen yungh aen Cungsim Vueddoengh Bouxcuz Nyezrauh seizneix miz haenx, hai diuqfoux, daetceij, vehveh, suhfaz caeuq dwkgiuz daengj dangzgoq iq goeng' ik neiyungz fungfouq, mboujdan ndaej gajgez gij vwndiz gyoengq vunz hwnjban "dawz lwg hoj", youh fungfouq ndwenngoengz sujgyaj gyoengq lwnyez, hawj gyoengqde gvaq mbat sujgyaj angqyangz ndeu. Ndaw doz dwg 7 nyied 14 hauh, youq ndaw aen cungsim vueddoengh lauxsae cingq son lwnyez daetceij.

(Liu Gvanghfuz Veiz Yuzdai ingj)



Ningzmingz: Guhndei Cienzswnj Baujhoh Hawj Veh-bangxdat Byaraiz Mbaw "Mingzben Gim" Ronghsagsag

宁明:抓好传承保护 让花山岩画“金名片”大放异彩

Bineix doxdaeuj, Ningzmingz Yen baengh vehbangxdat Byaraiz mbaw "mingzben gim" seiqgyaiq vwnzva yizcanj neix, guh 2023 nienz aen nduj "ngoengz Byaraiz Cungzcoj", seiz doigvangq lijyouz vwnzva minzcuz Gvangjsih gaiq nduj daengj hozdung, mboujduenh fungfouq gij neihaez caeuq baihrog vwnzva Byaraiz, daezswng gij yienghsiengq binjbaiz vwnzva lijyouz Ningzmingz, cuyamq saedyienh daj "gingjdiemj lijyouz"

cienjbienq coh "daengx gizdieg lijyouz", doicaenh vwnzva lijyouz dox yungzhab, vwnzvuz baujhoh, guhhoengh lajmbanj cingjdaej lienzdoengh, mboujduenh gikfat gij rengzhoengh moq hwngfat gizdieg ginghci.

Vih angqhoh laebbaenz 2023 nienz aen nduj "ngoengz Byaraiz Cungzcoj" caeuq bauq vehbangxdat Byaraiz Cojgyangh ndaej baenz seiqgyaiq vwnzva yizcanj 7 hopbi, 7 nyied

7 hauh daengz 8 nyied 7 hauh, Ningzmingz Yen youq Vahsan Vwnhczenz Siujcin banh "ngoengz Byaraiz Cungzcoj" baenzroix hozdung, hozdung neiyungz ndeiyawj lai yiengh, dwg ciengz hoihhoeng comz miz lijyouz, youqndwi, gijgwn ndei, yisuz, diyyuz, gyau baengzyoux daengj lai loh "cezmu" doxcaez ndeu, doenggvaq cungj fuengsik cauhoq caeuq cienzswnj dox giethab, hawj vwnzva Byaraiz miz

hwngfat hoenggan moq caeuq rengzmingh moq.

Geij bi neix daeuj, Ningzmingz Yen yungh lai cungj banhfap, youq mwh baujhoh bae cauhoq, youq mwh cienzswnj bae hwngfat, mboujduenh cat lwenq vehbangxdat Byaraiz mbaw "mingzben gim" seiqgyaiq gaep vwnzva neix, laebdaeb doidoengh hwngfat gizdieg ginghci.

(Luz Dezsanh Lij Hing)